

АҚТӨБЕ ҚАЛАСЫ БІЛІМ БӨЛІМІ
ЖШС «БОПАЙ» БАЛАБАҚШАСЫ



Бекітемін:

ЖШС «Бопай» балабақшасы

Детский сад
Директор: Жумашева Б.А.

«ҚОШ КЕЛДІҢ, ТӨРЛЕТ НАУРЫЗЫМ!» атты мерекелік ертеңгілік

«Күншуақ» ересек тобы

Музыка жетекшісі: Бериккалиева А.Н.

Тәрбиешілер: Кабылова С.С.

Ақтөбе-2024 ж.

«Қош келдің төрлет Наурызым!»

Мақсаты: Наурыз туралы түсінік беру арқылы казак халқының салт-дәстүрін көрсету және оны құрметтей білуге тәрбиелеу.

Жүргізуші: Армысыздар ата-аналар, қонақтар, балалар! Бәріміздің асыға күткен «Ұлыстың – ұлы күні!» наурыз мерекесімен шын жүректен құттықтаймыз. «Гүлдер» аулының, «Қош келдің – Өз Наурыз!» атты мерекесін тамашалаңыздар. Наурыз казактың ұлттық мейрамы. Наурыздың 22-де күн мен түннің теңеліп, жер жаңарып, көк шығып, төрт түлік мал түлеп, көктем келіп, тіршіліктің бастауы, яғни казактың жаңа жылы – Наурыз мерекесі.

Жүргізуші: Ал, халайық, тұрмайық,
Әндетейік, жырлайық!
Ортамызды ашайық.
Ырыс тілеп бұл жылға
Жырдан шаңу шашайық!

Ән: *«Қош келдің төрлет Наурызым!»*

Жүргізуші: Жарайсыңдар балалар! Сендермен «Такия тастамақ» ойынын ойнағым келіп тұр. Қане, олай болса ортаға шығайық.

Ойын:

Жүргізуші: Енді біздің кішкентай ұлдардың мерекеге арналған жыр-шумақтарын қабыл алыңыздар.

Раяна

Ата-бабам тойлаған,
Наурызым армысың!
Қызығына тоймаған,
Жаңа жылым бармысың.

Мадияр

Осыншама жақсылық,
Алып келген Наурызым,
Төрлет бізге нұр беріп,
Шуақ шашып ақ жүзің.

Сауран

Көлдің мұзын күн тесті,
Әппак тонынын жер шешті
Жан-жақтан күн күркіреп,
Жаңбыр жауды сіркіреп.

Жанель

Ашылды да кебеже,
Дәм әзірлеу басталды.
Әжем наурыз көжеге,
Жеті түрлі ас салды.
Арпа бидай бастаған,
Жеті дәмнен аспаған.

Наурыз көже ежелден,
Бұл тойдағы бас маман.

Азима

Бата беріп апамыз,
Бата беріп апамыз.
Тәтті болып жасалған,
Наурыз дәмін татыңыз.

Амина М.

Жаксылыққа бас болып,
Алдымызға ас болсын.
Келген Наурыз құт болсын,
Берері тағы мол болсын.

Медина

Жылдың басы Наурыз,
Жырдың басы Наурыз.
Наурызға арналсын,
Бүгінгі жыр әніміз

Алдар Көсе: Мен Алдармын. Алдармын.

Балалармен ойнаймын.
Ренжітер сәбилерді.
Тентектерден қорқаймын.
Құтты болсын Наурызым!
Қарным тойған күлкіге,
Базарлығым тағы бар.
А-а-а-а-а-а-а-а-а-а.

Жүргізуші: Қош келдің. Алдар Көсе балаларымыздың өнерін бірге тамашала.

Алдар Көсе: Ия дұрыс айтасыз, балалардың өнерін тамашалап, күштерін сынауға келдім.
Балалар мен сендермен күш сынасқым келіп тұр. Қане күштеріңді байқайық.

(ортаға балалармен күш сынасуға шығып, қол күрестіреді)

Ойын: «Кім күшті?» қолмен күш сынасу.

Алдар Көсе: Байқаймын балалар, шетінен мықты екен, мені жеңіп қойдыңдар.

Жүргізуші: Қазақ халқы өнерге бай халық. «Сөзбен айқасу бәрінен де күшті» — деп халық бекер айтпаса керек. Алдарыңызға біздің кішкентай айтыскер акындарымыз «Жұмбақ айтысын» ортаға ала келді, қарсы алыңыздар.

Тазина бала: Уа, Алдар Көсе, сені іздеп жүрсем сен балалармен жүр екенсің.
Ей балалар, балалар,
Енді маған карандаш!
Наурыз тойын тойлайық
Қызық ойын ойнайық

Ойын: «Арқаласпақ»

Жүргізуші: Жарайсыңдар балалар, келіңдер қыздар «Наурыз –Думан» биін билеп берейік.

Би: «Торсық»

Жүргізуші: Енді осы қышкентай өнерлі балаларымызды өмірге әкеліп, өнерін тамашалауға келген және де бізге көмектерін аямаған ата-аналармен «Сыр-сандық» атты сұрақ-жауап өткізсек.

Сұрақ-жауап: «Сыр-сандық» Ата-аналарға арналған сұрақтар:

- Өмірде не тәтті? (Ананың сүті)
- Өмірде не қымбат? (Бала, Отан)
- Жыл басы? (Наурыз)
- Қасиетті сан? (Жеті саны)
- Өмірде не жұмсақ? (Ананың алақаны)

Жүргізуші: Бүгінгі тойға алыстан ат терлетіп, аса қадірлі қонағымыз Қыдыр ата келді. Қыдыр ата жоғары шығып, төрлетіңіз, балалардың өнерін тамшалаңыз.

Қыдыр ата: Амансыңдар ма, балаларым!

Наурыз мерекесі құтты болсын! Әр отбасына құт-береке әкелсін!

Жүргізуші: Енді біздің кішкентай қыздардың мерекеге арналған жыр-шумактарын қабыл алыңыздар.

Әмір

Әнім де саған биімде саған,
Құт қонақ өзім үйімде.
Қуаныш сілап еліме,
Күлімде Наурыз, күлімде!

Алшұр

Наурыз күні той думан,
Ортамызды ашайық.
Өн мен күйді төгіп,
Биден шашу шашайық.

Айзере Б.

Армысыңдар халайық,
Әркез аман болайық.
Наурыз тойын әр жылда,
Бірге қарсы алайық.

Абулхайыр

Наурыз тойы береке,
Наурыз тойы жыр-аңыз.
Қызық думан мереке,
Қызық думан құрамыз.

Айдын

Наурыз келді балалар,
Көктемде күн жағалар.
Наурыз тойын тойлайық,
Қызығына тоймайық.

Аяла

Көктем, көктем, көктемде,
Құстар келіп жеткенде.
Біз қуанып қаламыз,
Наурыз әнін саламыз.

Жүргізуші: Олай болса «Құтты болсын – Өз Наурыз!» атты әнімізді қабыл алыңыздар.

Ән: «Құтты болсын – Өз Наурыз!»

Жүргізуші: Құрметті қонақтар, бүгінгі Наурыз мерекесіне арналған «Тұсаукесер» тойының батасын Қыдыр ағамызға жолдаймыз.

Қыдыр ата: Ұлыс оң болсын.

Ақ мол болсын.

Қайда барсаң жол болсын.

Ұлыс бақты болсын.

Төрт түлік ақты болсын

Ұлыстың ұлы күні құтты болсын!





